



**Orator Christianvs Caroli Regii E Societate Iesv**

**Reggio, Carlo**

**Romæ, 1612**

De gaudio, & tristitia. cap. 19.

---

[urn:nbn:de:hbz:466:1-68672](#)

templum prophanatur, & maculatur huius vitij turpitudine  
imo, vt ait idem Paulus sunt membra Christi. Sumam ergo  
membrum Christi, & faciam membrum Meretricis? Absit! Luxuriae effe-  
tus.  
Quarto. Ex hoc vitio innumera scelera nascuntur, ea proponit  
Greg. quæ supra videre potest, qui velit. Istud est a Deo apo-  
latare, vt scriptura loquitur. Vinum & mulieres apostatare,  
faciunt etiam sapietes, vt Salomonem. Quinto. Præter haec, alia  
innumera damna infert, nam consumit patrimonia, vt hedera  
plantas ac parietes; bonam famam pestundat, aufert salutem  
corporis, obscurat aciem mentis; memoriam debilitat; tollit  
pacem interiorem animæ; & Seminarium est inimicitiarum exte-  
riorum. Iob. Ignis est (ait) usque ad perditionem deuorans, Iob. 31.  
& omnia eradicans genimina. Sexto. Est vitium hoc valde  
curatū difficile, eoque magis formidandum, vt insanabiles cor-  
poris morbi timentur. Est enim haec intemperantia nimis vehe-  
mens, & eum quem semel inuasit profundissimo cano inuoluit,  
vnde vix unquam sinit emergere. Septimo. Optimum erit, vt  
sepe Concionator cum se se offert occasio castitatis, eius cele-  
bret pulchritudinem & gloriam, utilitatem ac præmium. Ha-  
bemus exempla tot Virginum in utroque sexu, in quibus am-  
plificandis liberior excurrevit oratio, sine ullo dicendi, sermo-  
numque rubore, & sepe cum maiore fructu tam ad coercendam  
incontinentium turpitudinem, quam ad alias inflammandas  
tant virtutis amore.

De gaudio, & tristitia. Cap. XIX.

Datur aliquod gaudium, & letitia bona, nempe letitia spiritus Lætitia du-  
ritualis in Domino, in bona conscientia, in operibus bonis, & mala.  
in, in furore spiritus. Datur & alia mala, quæ habet minimum  
suum, leuilitatem, superuacaneas remissiones, vana & inu-  
tilia colloquia, quæ merito dici potest dissolutio animi, ac men-  
tis distractio, vanitas ac leuitas quædam, ac defectus spiritus  
boni. Lætitiam, & gaudium spirituale ac sanctum, Primo. Sacra  
Scriptura sepe commendat, & nos ad ipsum inuitat, & adhor- Loci pro bo-  
tatur. Gaudete in Domino semper, iterum dico gaudere. In- no gaudio.  
Psal. 4.  
Psal. 31.  
Psal. 61.  
Psal. 104.  
minum, & alia quæ significant hanc esse Dei voluntatem, ut non  
extristitia aut ex necessitate seruamus. Hilare enim datorum 2. Cos. 9.  
diligit Dens, sicut domini temporales tales etiam expetunt

H h famu-

famulos. Secundò. Ex hoc gaudio magna Deo gloria nascitur, & eo modo significamus, nos magnificare eum Dominum cù tam hilares seruimus. Tertiò. Est magna proximorum ædificatio, dum vident nos alacri animo Deo famulantes. Quartò, Opus cum lætitia factum recipit ex ea parte maius meritum, quia etiam sit cum maiori diligentia, & animi propensione. Et Arist. docet delectationem opus perficere, sicut decor imitatem perficit, & ipsamet delectatio vires addit ad operandum, sicut contra tristitia eneruat. Quintò. Lætitia facit hominem, in omni bono opere perseverantem; nam Dauid petit primum dari sibi lætitiam salutaris, & statim orat confirmari spiritu principali. Sextò, lætitia hæc in bono opere est effectus bona conscientia, & simul eiusdem, est signum: indicium quoque aequalitatis virtutis, & habitus est operari cum voluptate: quare horum sunt homines ad bonam conscientiam. Secura mens qualiter conuiuitum, sicut ex mala conscientia oritur tristitia ut patet de Cain. Septimò, Ob hæc omnia, videtur Deus hoc præmolum concessisse ijs, qui in ipso delectantur, ut orationes eorum acceptæ sint. Iob. Tunc super Omnipotentem deliciis affues, & eleuabis ad Deum faciem tuam; rogabis eum & exaudiet te.

*Iob. 22.*

*Eccles. 35.* Et Eccles. qui adorat Deum in oblatione, suscipietur, & deprecatio illius, usque ad nubes propinquabit. Iterum delectare in Domino, & dabit tibi petitiones cordis tui. Octauò, Delectari in Deo res est præstantissima. Tunc delectaberis super Domino, & sustollam te super altitudines terræ. Claudit aditum tentationibus inimici, & omnibus ferè peccatis, quæ solent fieri delectationis causa. Postremò. Non deerunt multæ maternæ ex quibus occasio sumatur excitandi hoc gaudium in Domino, præsertim Dei ipsius bonitas, charitas, misericordia, & beneficia tam multa à Deo nobis collata, maximè per Christi redemtionem, per quæ confortatur nos Spiritus sanctus, & dampnus in cordibus nostris ad spem futurorum honorum, in quibus spè gaudemus. Scripturæ sacræ studium ad id aptissimum.

*Rom. 15.*

est quiemadmodum hortatur Paul. ut per consolationem confortarum spem habeamus. Tristitia est passio per quam detestamur malum, quod vel re, vel opinione sit præsens: Quatuor eius species à Damasco affirmantur: Misericordia, quæ est tristitia de alieno malo tanquam proprio. Inuidia quæ est tristitia de alieno bono. Angustia, cum aliquo modo ita constringimur, ut nō appareat euendredi locus. Acedia, quæ est tedium in opere bono. possunt.

*Tristitia seu dolor.*

*2. de fide.*

*Ortb. cap.*

*14.*

etiamnum addi tres alia Pœnitentia, quæ est tristitia de peccato commissio. Nemesis, cum iudicamus aliquem indignum bono quod habet: Et zelus de bono alieno quatenus illud deest nobis. Cass. præter illam quæ pro salutari pœnitentia peccatorum nostrorum & aliorum, vel pro studio perfectionis, vel pro desiderio suscipitur futurorum bonorum, docet omnem aliam

Tristitia bona & mala.  
Lib. 9. de  
Inst. renū.  
cap. 12.

tristitiam tanquam sœculi, & qua mortem inferat, aequaliter repellendam esse, ac sicut fornicationis spiritum ac philargirię de nostris cordibus penitus esse excludendam; ex quibus patet dari tristitiam aliquam bonam, vt est pœnitentia & misericordia, aliquam malam & fugiendam. De pœnitentia & misericordia agam in tertia parte. Hoc loco de tristitia mala generatim & speciatim tēperanda. Generatim hi loci idonei erūt.

Contra tristi-  
tiam malam  
argumenta.

Prīmō, Auctoritas sacrarum literarum, quibus Dei omnibus voluntas manifestatur, cui maximè displicet tristitia spiritus.

Eccle. 30.

Eccle. Secundō, Damna quæ affert magna sunt. Sicut tinea vestimento, & vermis ligno, ita tristitia viri nocet cordi: non

Prou. 25.

enim solum tristitia de malo nihil omnino minuit, sed etiam affigit, & conficit hominem, grauiusque malo ipso, est malū.

Nec solum ut ait S. Bern. omnis boni est impedimentum, sed

De int. do-  
ctiam est causa, & radix multarum tentationum & malorum: nam ex ea sàpissimè ira nascitur. Qui enim est tristis, facile

mo. 6.45.

oblata occasione irascitur, impatiens est, turbatur valdè, vt aliquando non videatur iudicio pollere. Eccle. Non est sensus

Eccle. 25.

vbi est amaritudo. Aliquando inducit pusillanimitatem atque adeo desperationem, vt in Caim & Iuda: Et Paul. ait, Tristitia 2. Cor. 7.

Huius sœculi mortem operatur. Iudit communem societatem, nam quos tristitia occupat, reddit morosos, asperos intracta- biles alios, tollens suavitatem, & affabilitatem morum; etiam corporis valetudini obest plurimum, comprimit cor, impedit omnes corporis animique functiones. Tertiō, Valdè placet Demoni hic spiritus tristitiae, ideoque conatur hominē eo ob- ruere, vt demum ad voluptates carnis ac mundi inde traducat, totumque perdat, persuadens eo modo ab illo merore libe- ratum iri. Est D. Franciscī verissima doctrina, & experientia, compertum est, cum homo est tristis, immitti à Dæmonie turpes cogitationes, ita tristitia est nidus & cauerna Dæmonis. Quod idem magnus ille Antonius suis asserere solebat. Quartō, Ex- tinguit spiritus tristis, spiritum Dei, quia ille omnino habet cōtrarias conditions. Hic enim spiritus Dei est suavis, humanus,

H h 2 beni-

benignus, benefaciens, stabilis, intelligibilis, acutus, omnem  
habens virtutem, omnia prospiciens: & contra, spiritus tristis  
est asper, infatibilis, obscurans intellectum, difficilis ad bona,  
eneruans vires, denique spiritus tristis exsiccat ossa, praesertim  
animæ, id est eius potentias, & inhabilem reddit ad orationem,

*Lev. 10.*

& ad opera bona. Vnde Aaron. Quomodo ait poteram place-  
re Deo in cæmonijs, mente lugubri? Quinto, Proponenda  
est animo tristi vanitas, & breuitas omnium bonorum huius  
mundi, ut contemnatur: ita enim si amissæ fuerint non affect  
tristitiam: Nam quod non magni sit possessum, nec tristitiam  
affert amissum. Quocirca qui in Deo cor suum, & spem col-  
locat, de eo gaudet, nec dolet ob amissionem bonorum, quæ nō

*Ie. 15. & 16.*

amat. Ad hoc gaudium hortatur Christus ut gaudium vestrum  
sit plenum, & gaudium vestrum nemo tollat à vobis. Sexto,  
Reuocanda est in memoriam præsentis vita miseræ & cogita-  
dum. Primum re vera nihil nobis præter nostram voluntatem  
obesse: quare omnem calamitatem, habere quidem nomen ma-  
li, & speciem, non autem viæ: imò multas virtuti commodi-  
tates afferre. Deinde id ferre conditionem vita præsentis, in  
qua nemo est tam composite felicitatis, ut non aliqua ex par-  
te cum status sui fortuna rixetur. Itaque paratos esse decet om-  
nes ad ea toleranda, quæ omnibus communia sunt. Septimo,  
excitandi sunt homines ut voluntatem suam cum Dei voluntate  
conformat, & intelligent nihil casu aut fortuito fieri, sed  
omnia ( solo peccato excepto ) à Dei prouidentia pendere, &  
ad finem gloriae suæ ac nostræ salutis tendere debere. Nec si-  
nè difficile erit tristitiam animo depellere, si animus ad Deum

*Luc. 22.*

per orationem configuat: dicatque cum Christo Veruntamen  
*Iac. 1.* non mea voluntas, sed tua fiat. Sic D. Iacob. hortatur, trista-

*1. Reg. 16.*

tur, ait, quis in vobis, oret, & psallat. Sic David cythara Da-

*Psal. 118.*

monium. Saulis expellebat, & de se affirmat, Cantabiles mihi  
erant iustificationes tuæ in loco peregrinationis meæ. Et quæ  
re tristis es anima mea, & quare conturbas me, spera in Deo

*Psal. 41.* quoniam adhuc confitebor illi, salutare vultus mei, & Deu-  
meus. Itaque inducendi sunt omnes, ut in omni occasione ma-  
roris ad Dei voluntatem se tanquam ad firmissimam ancho-

*Li. 9. Infl.*

ram applicent. Multa contra spiritu tristitiae docet Caff. Et pla-  
cap. vlt. ne spiritualis vita, maximè Spiritus Sancti gaudijs eget. Octauio

*Contra tristi*

iam tradamus aliquot remedia quæ solēt tristitiam sublenare.

*media.*

Et quæ re Ea sunt. Primò quod non tam ipsum makim quam opinio-

& estimatio mali solet afferre tristitiam ita docet Plutarchus,

Cice-

Cicero, Secundò præmeditatio mali. Nam quæ ex improviso *In Tusc.*  
obueniunt magis opprimunt, at iacula prævisa minus feriunt.  
Tertiò, Cum adeat malum, cogitandum est tunc temporis ma-  
gnas nos virtutes exercere posse, scilicet patientiam, magnitu-  
dinem animi, unionem cum Deo, & alia. Quartò cogita talem  
eis rerum humanarum conditionem. Quintò, cogita eum qui  
meret non adhibere malo remedium, sed sese frustra confice-  
re. Sextò, reuoca in memoriam te alias passum similia, & eu-  
alib: ita & præsentis angoris finem futurum. Septimò, cogi-  
tanda, quæ delectationem, modo verita non sit, afferunt, opti-  
mum erit illud Psal. Memor fui Dei & delectatus sum. *Psal. 76.*

*De Tristitia Inuidia & Acedia. Cap. XX.*

Tristitia Inuidia pessima est, cuius turpitudine ex his locis *Contra tristi-*  
persuaderi potest. Primo. Ex natura & actibus eius. Quid *tiam Inuidia-*  
deformius quā gaudere malo, dolere bono, contra illud Isa. *loci.*  
Va qui dicitis bonum malum, & malum bonū. Quid indignius  
quā latari si res male succedant, dolere si prospere? Contra  
illud maxime proprium naturae principium: Flere cum flenti-  
bus, gaudere cum gaudentibus? Secundo. Ex causis quæ sunt, *Rom. 12.*  
superbia, cupiditas, alienatio animi, odium. Tertiò. Ex effe-  
ctibus qui ex inuidia nascuntur, vt sunt reticere res aliorum,  
beni gestas, & cum adeat occasio detrahere, de virtutibus  
aliorum imminuere, perperam interpretari, irridere per ironiam, detegere culpas, impedire alios, de statu dejecere. Quartò  
Inuidia maximè aduersatur Deo, cuius bonitas est se communi-  
care cum omnibus: Item Beatis, qui aliena felicitate lētan-  
tur, vt sua; legi naturæ quæ iubet ut eadem alijs faciamus;  
quæ nobis fieri vellemus; Charitati Christianæ, quæ, ut Paulus  
*1. Cor. 13.*  
aut, non emulatur, non agit perperam, non querit quæ sua  
sunt, congaudet, & miseretur. Quintò, Hominem maximè si-  
milem diabolo facit, qui totus est in nostris malis curandis &  
impedienda salute. Sextò suum etiam auctorem rodit & cru-  
ciat, cumque sit iniustissima contra omnes, in hoc est iustissima,  
quod inuidus flagellat, ac punit, & persequitur. lege Cypr. de  
zelo & inuidia. Bas. Chryl. Damasc. &c. *golosus I. 14. non*

Acedia est tristitia seu tedium in bono opere, ex qua nasci-  
tur desidia, ac segnities. hanc expellendam ex animis infistat diæ argui-  
tor, & adhibebit pigris ac desidiosis calcaria ex his locis, tur.

Primo explicando ac describendo actus eius indignos homine

H h 3 sapien-